

MINISTARSTVO ZDRAVSTVA ZENIČKO-DOBOJSKOG KANTONA

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine FBiH", broj: 12/03, 34/03 i 65/13), člana 23. stav 1. tačka e), u vezi sa članom 15. Odluke o utvrđivanju standarda i kriterija Vlade Zeničko-dobojskog kantona za imenovanja/nominiranja na upražnjenu poziciju u reguliranim tijelima Zeničko-dobojskog kantona ("Službene novine Zeničko-dobojskog kantona", broj: 4/15, 7/15 i 11/16), u postupku imenovanja jednog člana Upravnog odbora Zavoda zdravstvenog osiguranja Zeničko-dobojskog kantona iz reda poslodavaca, Ministarstvo zdravstva Zeničko-dobojskog kantona objavljuje

JAVNI OGLAS

za izbor i imenovanje jednog člana Upravnog odbora Zavoda zdravstvenog osiguranja Zeničko-dobojskog kantona, iz reda poslodavaca

Objavljuje se javni oglas za imenovanje jednog člana Upravnog odbora Zavoda zdravstvenog osiguranja Zeničko-dobojskog kantona, iz reda poslodavaca.

Opis pozicije

Član upravnog odbora obavlja poslove propisane članom 103. Zakona o zdravstvenom osiguranju i članom 18. i 20. Statuta Zavoda zdravstvenog osiguranja Zeničko-dobojskog kantona.

Mandat člana upravnog odbora traje do isteka mandata konačno imenovanog Upravnog odbora Zavoda zdravstvenog osiguranja Zeničko-dobojskog kantona, uz mogućnost ponovnog imenovanja.

Članu upravnog odbora pripada naknada za rad u Upravnom odboru, u iznosu utvrđenom aktom osnivača.

Opći uvjeti za imenovanje

Kandidat za imenovanje u Upravni odbor treba ispunjavati sljedeće opće uvjete:

1. da je državljanin Bosne i Hercegovine,
2. da je stariji od 18 godina,
3. da nije otpušten iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja oglasa za navedenu poziciju,
4. da se na kandidata ne odnosi član IX. 1. Ustava Bosne i Hercegovine,
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine ("Službene novine FBiH", broj: 12/03, 34/03 i 65/13),
6. da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije Bosne i Hercegovine", broj: 70/08),
7. da nema privatni i/ili finansijski interes u Zavodu zdravstvenog osiguranja Zeničko-dobojskog kantona,

8. da nije osuđivan za krivično djelo nespojivo sa imenovanjem na poziciju u upravni odbor Zavoda zdravstvenog osiguranja Zeničko-dobojskog kantona, pet godina od dana pravosnažnosti presude, isključujući vrijeme zatvorske kazne,
9. da mu nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri.

Posebni uvjeti za imenovanje

Kandidat za imenovanje u upravni odbor mora ispunjavati sljedeće posebne uvjete:

1. VSS (VII stepen) stručne spreme, dokaz o završenom visokom obrazovanju, odnosno prvog (najmanje 240 ECTS bodova) drugog ili trećeg ciklusa Bolonjskog sistema studiranja zdravstvenog usmjerenja,
2. najmanje 5 godina radnog iskustva,
3. da nije član upravnog ili nadzornog odbora, odnosno odbora za reviziju u više od jednog privrednog društva,
4. komunikacijske i organizatorske sposobnosti,
5. sposobnost tumačenja ekonomskih, tehnoloških i pravnih analiza i propisa,
6. rezultati rada ostvareni tokom poslovne karijere posebno u oblasti zdravstva i zdravstvenog osiguranja.

Dokazi

Prijava kandidata na oglas treba da sadrži: kraću biografiju, adresu i kontakt telefon. Uz prijavu treba dostaviti originalne dokumente ili ovjerene kopije tih dokumenata, kao dokaz o ispunjavanju općih i posebnih uvjeta i to:

1. univerzitetsku diplomu,
2. uvjerenje o državljanstvu (ne starije od 6 mjeseci) ili ovjerenu kopiju lične karte,
3. dokaz o radnom iskustvu na poslovima svog stručnog zvanja,
4. ovjerenu izjavu da nije otpuštan iz državne službe kao rezultat disciplinske mjere u periodu od tri godine prije objavljivanja oglasa,
5. ovjerenu izjavu kandidata da se na njega ne odnosi član IX. stav 1. Ustava Bosne i Hercegovine,
6. ovjerenu izjavu da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine („Službene novine FBiH“, broj: 12/03, 34/03 i 65/13),
7. ovjerenu izjavu da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine FBiH“, broj: 70/08),
8. ovjerenu izjavu da nema privatni i/ili finansijski interes u Zavodu zdravstvenog osiguranja Zeničko-dobojskog kantona,
9. ovjerenu izjavu kandidata da nije član nadzornog ili upravnog odbora, odnosno odbora za reviziju u više od jednog privrednog društva,
10. uvjerenje nadležnog suda prema mjestu prebivališta, da kandidatu nije izrečena zaštitna mjera obavljanja aktivnosti tri godine od dana pravosnažnosti odluke o izrečenoj zaštitnoj mjeri.

Dokaz da kandidat nije osuđivan za krivično djelo nespojivo sa imenovanjem na poziciju člana Upravnog odbora Zavoda zdravstvenog osiguranja Zeničko-dobojskog kantona, pet godina od dana pravosnažnosti presude, isključujući vrijeme zatvorske kazne, Ministarstvo zdravstva će pribaviti po službenoj dužnosti od nadležnog organa za unutrašnje poslove, za kandidate koji uđu u uži izbor.

Sa kandidatima koji uđu u uži izbor Komisija će obaviti intervju. Prije intervjua kandidati će biti pozvani da daju podatke o ranijim neposrednim rukovodiocima od kojih se mogu, zatražiti dodatne preporuke i informacije o kandidatima.

Prilikom pristupanja kandidata na intervju, kandidat je obavezan ispuniti obrazac u kojem će iznijeti bilo koje pitanje ili mogućnost koja bi mogla dovest do sukoba interesa u slučaju da dođe do njegovog imenovanja.

U slučaju kada postoje dokazi da u postupku imenovanja nisu ispoštovani principi ili postupci utvrđeni Zakonom o ministarskim, vladinim i drugim imenovanjima Federacije Bosne i Hercegovine, bilo koji kandidat ili bilo koji član javnosti može podnijeti prigovor na konačno imenovanje.

Prigovor se podnosi Ministarstvu zdravstva Zeničko-dobojskog kantona u roku od sedam dana od dana imenovanja.

Prijave sa traženim dokumentima se dostavljaju lično ili poštom na adresu **Zeničko-dobojski kanton – Ministarstvo zdravstva, Kučukovići 2, 72000 Zenica, sa naznakom: „ZA IMENOVANJE JEDNOG ČLANA UPRAVNOG ODBORA ZAVODA ZDRAVSTVENOG OSIGURANJE ZENIČKO DOBOJSKOG KANTONA, IZ REDA POSLODAVACA – NE OTVARATI“.**

Oglas ostaje otvoren 14 dana od dana njegovog posljednjeg objavljivanja, a isti će biti objavljen u „Službenim novinama Federacije Bosne i Hercegovine“ i dnevnom listu „Dnevni avaz“.

Neblagovremene i nepotpune prijave neće se razmatrati.